

AMUS - "Asocijacija kompozitora-muzičkih stvaralaca", je nosilac dozvole za kolektivno ostvarivanje prava autora muzičkih djela koju joj je dodijelio Institut za intelektualno vlasništvo BiH rješenjem broj: IP-03-47-5-12-06059/12VT

BOSNA I HERCEGOVINA
Institut za intelektualno vlasništvo
Broj: 0278-GD/19

n/r gospodin Josip Merdžo, ravnatelj

PREDMET: Odgovor na Obavještenje
VEZA: Vaš akt broj: 04-47-5-395-3/18VT

Sarajevo, 07.06.2019.

Poštovani,

Rješenjem o nalaganju mjera za otklanjanje nepravilnosti u radu AMUS – a broj: 04-47—5-233/19VT od 14.03.2019.godine naloženo je AMUS – u sljedeće:

- „ **sazivanje redovne sjednice Skupštine na kojoj je potrebno usvojiti dokumente predviđena članom 20. Zakona o kolektivnom ostvarenju autorskog i srodnih prava za 2017. godinu;**
- **sazivanje redovne sjednice Skupštine na kojoj će se razmatrati i odlučivati o svim dokumentima koji su navedeni u Pozivu članovima Skupštine AMUS – a na elektronsko izjašnjavanje o dokumentima, koje je uputio predsjednik Upravnog odbora AMUS –a dana 08.03.2019.godine;**
- **stavljanje van snage svih odluka koje su donesene na osnovu izjašnjavanja na elektronskoj Skupštini AMUS – a (u periodu od 23.01.2019. do 04.02.2019.godine) i to: Odluke o usvajanju Godišnjeg izvještaja i Izvještaja nezavisnog revizora za 2017. godinu; Odluku o usvajanju Godišnjeg plana i programa rada i finansijskog plana za 2019. godinu i Odluke o sredstvima za kulturne i socijalne namjene i njihovo razmatranje na redovnoj Skupštini .“**

Rješenjem o nalaganju mjera za otklanjanje nepravilnosti u radu AMUS – a broj: 04-47—5-741-10/19VT od 01.04.2019.godine naloženo je AMUS – u sljedeće:

- „ **izvršiti izmjene i dopune Poslovnika o radu Skupštine, i to: u članu 14. stav (2) precizirati u kojim slučajevima se članovi Skupštine mogu izjašnjavati elektronskim putem ili putem zemaljske pošte, s tim da se ovakav vid izvještavanja ne može primjenjivati u slučajevima kada Skupština razmatra dokumente iz člana 20. Zakona o kolektivnom ostvarivanju autorskog i srodnih prava, izmjene i dopune Statuta, pravila raspodjele ubranih naknada i Godišnji plan raspodjele ubranih naknada, izbor i razrješenje članova upravljanja kolektivne organizacije.**
- **izvršiti analizu troškova poslovanja i o tome sačiniti izvještaj, koji treba da usvoji Skupština AMUS – a;**

AMUS - "Asocijacija kompozitora-muzičkih stvaralaca", je nosilac dozvole za kolektivno ostvarivanje prava autora muzičkih djela koju joj je dodijelio Institut za intelektualno vlasništvo BiH rješenjem broj: IP-03-47-5-12-06059/12VT

- u godišnjim finansijskim izvještajima prikazati tabelarno sve troškove kolektivne organizacije, sa detaljnim obrazloženjem svih troškova;
- sačiniti instrukciju i definisati pravila o unosu "košuljica" – podataka o korištenim (emitiranim) muzičkim djelima u sistemu obrade podataka i način kontrole navedenih podataka, koji treba da usvoji Skupština AMUS – a;
- Rok za otklanjanje navedenih nepravilnosti je 90 dana od dana prijema rješenja.“

Na Skupštini koja je bila zakazana za dan 16.05.2019.godine kao tačke Dnevnog reda bile su navedene sljedeće tačke:

1. Usvajanje Dnevnog reda, imenovanje zapisničara i dva ovjerivača;
2. Usvajanje zapisnika:
 - sa Skupštine održane 20.12.2017. godine,
 - sa elektronske Skupštine održane 21.02.2018. godine;
 - sa Skupštine održane 09.05.2018. godine;
 - sa Skupštine održane 29.10.2018. godine;
3. **Godišnji izvještaj za 2017. godinu, Izvještaj nezavisnog revizora za 2017. godinu i Godišnji finansijski izvještaj sa tabelarnim prikazom i obrazloženjem svih troškova kolektivne organizacije AMUS;**
4. Godišnji plan i program rada i finansijski plan za 2019. godinu;
5. Odluka o sredstvima za kulturne i socijalne namjene;
6. Odluka da se vrši isplata autorskih naknada na način da se izvrši isplata autorskih naknada iz obračuna u kojem nisu utvrđene nepravilnosti, a da se sredstva kod autora i emitera kod kojih su utvrđene nepravilnosti ne isplate do momenta okončanja potpune provjere dostavljenih podataka i poduzetih radnji, a sve uz obavezu da se sredstva koja su označena kao sporna deponuju na poseban račun za svakog autora, a sve u cilju zakonitog i transparentnog postupanja i obezbjeđenja ovih sredstava i ovih autora kao što je naprijed navedeno.
7. Izmjene i dopune Statuta AMUS-a;
8. **Izmjene i dopune Poslovnika o radu Skupštine;**
9. Pravilnik o poslovnoj tajni;

AMUS - "Asocijacija kompozitora-muzičkih stvaralaca", je nosilac dozvole za kolektivno ostvarivanje prava autora muzičkih djela koju joj je dodijelio Institut za intelektualno vlasništvo BiH rješenjem broj: IP-03-47-5-12-06059/12VT

10. Pravilnik o raspodjeli ubranih naknada;
- 11. Pravilnik o muzičkim košuljicama;**
- 12. Analiza troškova poslovanja AMUS-a za 2017. godinu;**
13. Razno.

Vama je obavijest o ovoj Skupštini i Dnevnom redu iste dostavljena dana 03.05.2019. putem mail-a, a putem pošte ste je zaprimili 08.05.2019. godine.

Navedena Skupština nije bila održana iz procesnih razloga – nedostatka kvoruma.

Na Dnevnom redu Skupštine zakazane za dan 16.05.2019.godine nalazile su se i naprijed citirane tačke iz Rješenja broj 04-47—5-741-10/19VT od 01.04.2019.godine, koje ističete u svom dopisu broj 04-47-5-395-3/18VT od 03.06.2019.godine.

Dakle, AMUS je postupio u roku od 90 dana kako mu je naloženo naprijed citiranim Rješenjem.

AMUS u prilogu dostavlja troškove Skupštine zakazane po nalogu Instituta, a neodržane, samo kako bi Institut utvrdio kolika sredstva treba AMUS izdvojiti radi zakazivanja neelektronske Skupštine.

Naime, u narednom periodu Upravni odbor i Stručna služba intenzivno moraju raditi radi isplate tantijema autorima, a i period je godišnjih odmora, stoga isti nije smatrao ekonomičnim i svrsishodnim zakazati ponovo neelektronsku Skupštinu za koju postoji velika vjerovatnoća da se neće održati.

Obzirom da o svim tačkama koje ste vi naložili AMUS – u da stavi na Dnevni red da odlučuje Skupština, AMUS je zakazao Skupštinu za dan 23.10.2019. godine jer je tada realno za očekivati da bi se veliki broj članova mogao odazvati pozivu.

Iz naprijed navedenog jasno je da AMUS ulaže maksimalne napore da postupi po donijetim Rješenjima Instituta, ali isti ne može uticati na članstvo da prisustvuje Skupštini jer u trenutno važećem Statutu nije propisana sankcija za izostanak sa Skupštine.

S poštovanjem,

mr. sc. Lejla Trnčić

Prilog 1. Troškovi održavanja Skupštine

Prilog 2.

- Godišnji izvještaj za 2017. godinu, Izvještaj nezavisnog revizora za 2017. godinu i Godišnji finansijski izvještaj sa tabelarnim prikazom i obrazloženjem svih troškova kolektivne organizacije AMUS-a;

STRUČNA SLUŽBA



СТРУЧНА СЛУЖБА

AMUS - "Asocijacija kompozitora-muzičkih stvaralaca", je nosilac dozvole za kolektivno ostvarivanje prava autora muzičkih djela koju joj je dodijelio Institut za intelektualno vlasništvo BiH rješenjem broj: IP-03-47-5-12-06059/12VT

- Izmjene i dopune Poslovnika o radu Skupštine;
- Pravilnik o muzičkim košuljicama;
- Analiza troškova poslovanja AMUS-a za 2017. godinu;

"ASOCIJACIJA KOMPOZITORA-MUZIČKIH STVARALACA" (AMUS)
Trg solidarnosti 2a, 71000 Sarajevo, Bosna i Hercegovina
Tel: +387 33 25 53 00 | Fax: +387 33 21 82 58

www.amus.ba / amus@amus.ba / strucnaslužba@amus.ba
UniCredit Bank: 3386902265891403
ID broj: 4200960120004

PODRUŽNICA BANJA LUKA
Veselina Masleše 1, 78 000 Banja Luka
Tel/Fax: +387 51 217 477

PODRUŽNICA MOSTAR
Kneza Branimira 6, 88 000 Mostar,
Tel/Fax: +387 36 322 022



CISAC je Međunarodna konfederacija udruženja autora i kompozitora

AMUS je primljen u članstvo pod registarskim brojem 273